



COMUNU DE FURTEI

PROVÌNTZIA DE SU CAMPIDANU DE MESU

CÒPIA

DELIBERATZIONI N. **44**
de sa diri: **16.05.2013**

VERBALI DE DELIBERATZIONI DE SA GIUNTA COMUNALI

CHISTIONI: A TORRAI A PÒNNIRI S'ÀREA CAPELLAS CIMITERIALIS

S'annu **duamillatrexi sa diri sexi** de su mesi de **maju** a sa una e mesu me in sa sala de is atòbius, fatas prima totus is formalidadis chi narat sa lei chi c'est, funt stètius oi cunvocaus a setziada is cumponentis sa Giunta Comunali.

A sa tzerriada arrisultant:

CAU LUCIANO	P
LEO TOLMIRIO	A
MANZARI ANTONIO	A
NONNIS ANDREA	P
PRINZIS PAOLETTO	P

Totali presentis 3
Totali assentis 2

Assistit su Segretàriu Comunali Sennori COSSU DR. GIANLUCA ca fait custu verbali.

Biu ca su nùmunu de is chi funt benius est comenti narat sa lei, su Sennori CAU DR. LUCIANO comenti a Sìndigu pigat sa presidèntzia e narat oberta sa setziada po fueddai de sa chistioni inditada in pitzus.

SA GIUNTA COMUNALI

BIU su progetu po sa lotizazioni de is àreas cimiterialis po donai e fai tumbas a terra, aprovau cun Delibera cosa sua n° 112 de su 08.10.2009, innoi fiant destinadas duas àreas in làcara s'una de s'àtera tzerriadas A e B po fai capellas familiaris;

BIA sa deliberazioni cosa sua n° 11 de su 31.01.2013 innoi sa Giunta at donau su nulla osta cosa sua po sa unificazioni de is àreas A e B chi eus nau, po fai una capella cimiteriali sola in compropriedadi intra is duas famìglias assegnatàrias;

CUNSIDERAU ca su progetu chi eus nau identificat duas àreas scéti po fai capellas cimiterialis, (a diri de oi giai pigadas), e ca de pagu tempus unus cantu citadinus ant nau ca bolint pigai un'àrea, duncas po ddu fai chi est possibili, serbit stabiliri unu logu prus mannu me in su campusantu, po pòdiri acumentai is abisòngius de is chi ddu pregontant etotu e de àterus chi ci podint èssiri;

CUNSIDERAU ca s'ufitziu tènicu comunali sighendu is inditus donaus at apariciu unu elaborau planimètricu agatendu unu logu nou po fai is capellas familiaris, ca ponit impari po omogeneidadi is àreas A e B giai donadas (ma chi no funt giai fatas), e puru àteras àreas de su propri tanti;

RITÈNNIU custu progetu bellu, poita sa distribuzioni noa est funtzionali po sa razionalizazioni de is logus, sviluppu de su campusantu e valorizazioni de totus is monumentus, chentza compromittiri is struturas chi ci funt giai;

PIGAU su pareri favorèvoli de su Responsàbili de su Servìtziu po sa regolaridadi tècnica de custa deliberazioni, segundu su chi narat s'art. 49 D.Lgs. 267/00, ca si scrit in carci a custu àutu deliberativu;

TOTU custu nau prima;

CUN votus totus uqualis donaus comentì narat sa lei;

DELÌBERAT

- DE APPROVAI s'elaborau progetuali apariciu de s'ufitziu tènicu comunali e nulla ostai a su torrai a pònniri is àreas po fai is capellas cimiterialis, postas inni puru is àreas A e B, prima unificadas e donadas;

- DE DONAI a su Responsàbili de su Servìtziu Tènicu, totus is incàrrigus de cumpetèntzia;

De dichiarai, cun votazioni totu uguali fata a pustis, custu àutu esecutivu luegus segundu su chi narat s'art. 134, c. 4 de su D.lgs n. 267/000.

Lìgiu, aprovau e sutascritu:

SU PRESIDENTI
Firmau CAU DR. LUCIANO

SU SEGRETÀRIU COMUNALI
Firmau COSSU DR. GIANLUCA